



Administrativna komisija

Broj: 04-GV-02-1049/23
Sarajevo, 07.07.2023. godine

ZAPISNIK O RADU
52. SJEDNICE ADMINISTRATIVNE KOMISIJE
održane 07.07.2023. godine

Prisutni:

1. Jasmin Ademović, predsjedavajući
2. Alen Girt, član
3. Toni Vukadin, član
4. Vedad Deljković, član
5. Bajro Biber, član
6. Drago Jurić, član
7. Dragan Stevanović, član

Sjednici iz Stručne službe za poslove Gradskog vijeća Grada Sarajeva prisustvuje:

- Mirjana Đanović-Stanić, rukovodilac Stručne službe Gradskog vijeća

Sjednici po ovlaštenju Gradonačelnice prisustvuje:

- Aida Bajramović, sekretar Gradske uprave
- Selma Bećiragić, pomoćnica Gradonačelnice za

Predsjedavajući komisije je otvorio sjednicu u 12.15 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 51. sjednice Administrativne komisije Gradskog vijeća Grada Sarajeva održane 26.06.2023. godine.

Predsjedavajući komisije je obavijestio članove da su u prijedlog dnevnog reda naknadno dodate tačke:

1. Izvještaj o utrošku sredstava tekuće rezerve iz Budžeta Grada Sarajeva za 2023. godinu, za period 01.01.2023.-30.06.2023. godine
2. Informacija u vezi sa primjenom Zakona o komunalnim taksama Kantona Sarajevo

Poslije sažetka Predsjedavajućeg, Administrativna komisija je jednoglasno usvojila sljedeći **dnevni red**:

1. Razmatranje Sporazuma o predaji u posjed nekretnina – objekat Upravne zgrade DPO i zgrade SDK (Vječna vatra) – radna verzija
2. Izvještaj o utrošku sredstava tekuće rezerve iz Budžeta Grada Sarajeva za 2023. godinu, za period 01.01.2023.-30.06.2023. godine
3. Informacija u vezi sa primjenom Zakona o komunalnim taksama Kantona Sarajevo
4. Tekuća pitanja



TAČKA 1.

Razmatranje Sporazuma o predaji u posjed nekretnina – objekat Upravne zgrade DPO i zgrade SDK (Vječna vatra) – radna verzija

Poslije uvodnih napomena i diskusije u kojoj su učestvovali članovi Komisije te sažetka Predsjedavajućeg, Administrativna komisija je jednoglasno usvojila sljedeći **zaključak**:

1. U toku sljedeće sedmice održat će se još jedna sjednica Administrativne komisije na kojoj će Administrativna komisija razmotriti izmijenjen i dopunjen materijal u skladu sa stavovima sa današnje sjednice i utvrditi prijedlog odluke o davanju saglasnosti na tekst Sporazuma o predaji u posjed nekretnina – objekat Upravne zgrade DPO i zgrade SDK (Vječna vatra) kako slijedi.
 - Forma u kojoj će se Gradsko vijeće odrediti o ovom sporazumu je prijedlog odluke o davanju saglasnosti na tekst sporazuma, te je potrebno da obrađivač, u skladu sa zaključkom Gradskog vijeća dopuni ovaj materijal i radnim materijalom za predlaganje ovakve odluke.
 - Administrativna komisija traži da se u šematskom prikazu korištenja Upravne zgrade DPO vanjski parking, te u podrumskoj etaži prostor garaže i ostave kao i u prizemlju prostor arhive, također, označe žutom bojom kao prostor potreban za optimalan rad gradske administracije.
 - Potrebno je u radnom materijalu za tekst sporazuma preispitati predloženi rok od 30 dana za primopredaju prostora u zgradi bivšeg Zavoda za platni promet FBiH, odnosno u Upravnoj zgradi DPO, budući da se gradska administracija ne može izmjestiti dok se ne vrati u posjed Gradu Upravna zgrada DPO.
 - Potrebno je u radnom materijalu za tekst sporazuma naglasiti način oslobađanja prostora „od ljudi i stvari“ iz Upravne zgrade DPO od strane organa i službi Federacije BiH, tako da bude jasno da se treba zadržati fiksna oprema te oprema koja je data na korištenje u bivšem kabinetu Gradonačelnika. Također treba biti jasno da se traži vraćanje u posjed čitave nekretnine (zgrade i zemljišta oko zgrade) a da je Grad spreman nastaviti saradnju sa organima i službama Federacije BiH ustupanjem na korištenje dijela zgrade u skladu sa priloženom skicom.

TAČKA 2.

Izvještaj o utrošku sredstava tekuće rezerve iz Budžeta Grada Sarajeva za 2023. godinu, za period 01.01.2023.-30.06.2023. godine

Poslije diskusije u kojoj su učestvovali članovi Komisije te sažetka Predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija sugeriše Gradskom vijeću da razmatra Izvještaj o utrošku sredstava tekuće rezerve iz Budžeta Grada Sarajeva za 2023. godinu, za period 01.01.2023.-30.06.2023. godine kako je i predložen.

TAČKA 3.

Informacija u vezi sa primjenom Zakona o komunalnim taksama Kantona Sarajevo

Poslije diskusije u kojoj su učestvovali članovi Komisije te sažetka Predsjedavajućeg, Administrativna komisija je jednoglasno usvojila sljedeći **zaključak**:

Administrativna komisija sugeriše Gradskom vijeću da razmatra Informaciju u vezi sa primjenom Zakona o komunalnim taksama Kantona Sarajevo kako je i predložena i primi je k znanju.

TAČKA 4.

Tekuća pitanja

Predsjedavajući komisije je predložio održavanje sljedeće sjednice u srijedu nakon Tematske sjednice u Vijećnici.

PREDSJEDAVAJUĆI KOMISIJE

Jasmin Ademović, s.r.

Predsjedavajući Komisije je u 12.30 sati zaključio rad 52. sjednice Administrativne komisije Gradskog vijeća Grada Sarajeva.